

屏廬業邗

十



屏園集

+

弁言

津門名區代有文人惜無表章之者搜輯成集梓傳於世遂令前輩遺墨殘編散失漫滅都歸灰燼良可嘆息夫人必自愛其名然後肯愛古人之名自風趨日下大雅淪亡閒有一二嗜奇好古之士學林輒以好事目之嘻使古人盡不好事斯文一脈泯滅久矣刪詩贊易宣土不好事則六經佚亡此余所以慨乎言之也

向有友人勸余著津門詩話余曰詩話二字未易言也拾前人之餘唾取笑通人執一己之偏私遺譏後世非

以齋集不月
一
於詩學源流洞澈精微發未發之奇著不刊之論成一家言公天下好豈可率爾操觚余學固陋何敢執管窺之見妄肆評論但以性耽文事一丸墨消磨半生僅卽耳目所及筆之於簡使過眼雲煙展卷猶在故以筆存名亦以公同好云

是編之作無門戶見無黨同習無南北界限性所愛者一句可傳必爲記載使作者苦心揭諸紙上僕自知力薄曷能傳人區區此心可白於世

道光二十三年癸卯仲秋下浣沾上梅成棟吟齋志

吟齋筆存卷一

天津梅成棟樹君輯

先君子雅村公家無半畝橐筆硯遊半天下卒飄泊無
就所留遺墨爭購爲寶人謂名能奪福想不誤船山師
題我家友蘭圖云奕世相傳翰墨尊南昌仙尉舊兒孫
畫中神品詩中伯名士眞難聚一門圖爲先君畫棟敬
題有云但得人如蘭氣味何分富貴與寒酸

金亦吟納妾都中查海漚戲之云昨聞東觀召黃香春
伴恩濃杜麗娘新領尙書雙赤管背人偷畫翠眉長二

七名姝入畫圖閨中乞得愛憐無一時圍解桓宣武聞
說夫人恕老奴

查次齋先生少孤貧以詩受知於英夢堂相國轉薦於
太史吳公裕德太史素耳先生詩才敏捷欲試之酒閒
曰今日吉林將軍福公康安出關赴任盍賦之卽席拈
毫成長句云千騎何人居上頭將軍年少更風流道途
爭識三韓帥 寵命新頒四姓侯龍塞雲煙縈大纛薊
門鐃吹接清秋漫瞻旌節誇 恩倖 當亡原紓北顧
憂吳大歎服

辛酉大水同邑康達夫先生觀水句云千村雲浪捲一
片雪山來時斗米千錢金野田先生賣書度歲嘗云昔
智永禪師見重當時虞公伯施論其書一字五百杜少
陵有一字醫貧之句余愧非比而意相同先生品懷高
淡居委巷中人皆欽仰先生名銓字鈞衡達夫先生名
道平

嘉慶癸亥秋閒病嘔血幾不起寄都門劉春暉以詩和
句云虛齋皎皎月華新旅夜迢迢枕簟親殘睡幾驚千
里夢浪遊空負百年身常因近態悲前事每爲新交憶

故人何日西窗重翦燭箇中艱苦話酸辛劉名元鐸

乙丑會試同方健菴寓趙簡菴家壁間吳穀人太史書
云斗樣窗心月樣紗簾陰深淺盪雲霞喧喧蜜洞蜂朝
午點點春泥燕作家次第薰牋臨古帖殷勤添水養名
花神仙自分無多事玉篆金丹莫漫誇

丁卯年湯厚田館於海濱春夜見懷云一雁唳高空懷
人月正中堂深香縷碧窗小燭花紅不見陶元亮因思
崔道融無窮溯洄意檢點付東風厚田名莖號鞠人甲
子舉人

余與黃子春園余子階升共筆硯者十餘年黃冷峭余
溫易黃所居曰慎獨軒庭植紅杏一株花時必招階升
厚田及繆星池數輩白酒青豆團欒小聚論歷代史各
標舉名臣高士逸事一二則以爲笑樂醉後披猖或低
徊唱嘆或叩案高呼恨不見古人並恨古人不及見我
輩也月闌燈灺醺然始散戊辰夏黃子病歿此會遂不
可得每一憶及不禁黃壚之慨

黃春園名新泰甲子科與厚田同榜階升名堂癸酉登
賢書丁卯殘臘偕余黃二子讀書慎獨軒日成一藝一

詩互相點竄天寒室冷鑪火星星似不可耐相顧怡然
未覺其苦嘗有句云一樽名士酒四壁古人書蓋道其
實春園句云知己三人喜得朋一窗寒日映疏藤苦吟
各似低眉佛趺坐都如入定僧鑪火夜灰縈作篆硯池
宿墨結成冰笑看我輩真癡絕磨破青瑣又幾層當時
風景猶在目前未幾數椽鬻去宿草萋然能無慨嘆
白沙橫落日黃葉下秋灘沈秋瀛張灣道上句馬跡黃
沙路雞聲綠樹村金竹村馬頭道上句金與沈王子同
鄉榜詩境亦彷彿沈後中己未進士名士煌金名紹驥

戊辰秋葬春園後階升大病幾殆余日奔波往視酌其
醫藥數月始痊蒙贈詩云同遊經十載今日見君心人
愛文章老誰知意氣深解推空四壁然諾重千金赤骨
貧雖在寒香滿舊林

過江山色無邊綠風雨焚香卧此樓戊辰十一月十日
夢行草徑中泥苔滑澁登一樓外臨大江隔江遠山重
重如在綠霧中寂無一人吟此二句而醒

人歸橋上市船爨水中煙李甸之海河晚望句此景最
真

以齋集卷一
直指菴在城北寺前空心老柳一株僧學愚句云枵腹
吞明月虛心咽晚霞東華表兄述

酒沾雙屐雨菊賣一肩秋英夢堂相國津門九日河橋
卽景句隨園誤作人坐一亭煙似不及原作金野日
酒沾小市浮花片魚買河橋貫柳絲野田句亦沾上眞
景三月河豚八月蟹故園雖好我無家牛次原主政句
也不勝蒹鱸之感牛己未進士與沈秋瀛同榜詩不多
見述自王善舟

王蓬心太守題畫詩云山明川靜樹經霜松逕迴環落

葉黃手搗白雲心似水畫中秋思著人涼與雲林十月
江南未隕霜青楓葉赤碧梧黃停橈坐對西山晚新雁
題詩小著行同一風格

顧阿瑛題文與可畫竹云湖州昔在陵州日日江頭
寫竹枝一段枯梢三作折分明雪後上窗時可謂入妙
吾鄉金芥舟先生題畫詩最多亦最清妙題索句圖云
踏著蟲聲繞樹行一蟲一葉一秋聲不知幾步疏林下
小句如金鍊始成他如紅橋隱隱隔江村近水人家竹
映門何處可尋雲際寺蛇盤細路透松根一榻清風白

晝閒小堂面面有溪山興來攜杖出門去只在泉聲竹
影閒鳴咽寒泉透石根蕭騷老木靜猶聞不知幾曲潺
潺水流出空山疊疊雲

金領雲伯舅述芥舟端陽句云竹籬茅舍道人家瓦鼎
烹泉自煮茶樹影欲圓天欲午海榴紅著兩三花余嘆
以爲有魚躍鳶飛之致

先師張船山夫子詩清妙頗有與芥舟老人相同處如
芙蓉花下小簾櫳春草秋苔地數弓敞盡北窗新綠滿
一籬瓜蔓作屏風種花句云門無芳草徑無苔灑掃黃

塵日幾回如此零星花數朵虧他蜂蝶會尋來家居云
茶瓜留客午風清話到桑麻便有情除卻求詩兼送酒
花南絕少扣門聲

厚田在都城畫肆中見山水小幀題句云家山千里繫
人思信手拈毫仿大癡如此煙巒歸未得畫成還要強
題詩余謂是詩與如畫家山不歸去卻從畫裏畫家山
同一意致

賣花市散香沿路踏月人歸影過橋李嘯村句也與繆
星池所述沽酒店開風亦醉賣花人過路猶香同旨不

知何人句又竹泉述風暖未消髭上雪春歸惟賸眼中
花亦新

香祖筆記載 仁皇駐蹕杭州山陰耆民王錫元同胞
五人見于 行在長次係雙生俱年八十以下七十八
七十六七十五子姪十七人孫十八人 賜宴賜緞錦
各一匹賜額一門人瑞皇太子賜聯云五枝荆樹榮今
代百秩仙籌萃一門與東坡志林載老人蘇佛兒年八
十二一兄九十二一兄九十相類今吾鄉耆壽如孫木
齋老人年八十五兄八十六弟八十一孝廉兩諸生五

次迎 鑾俱蒙 優賜陳月峯老人萬勝年九十二五
世同堂董青岳先生岱年八十四五世同堂父子孝廉
亦一時人瑞先生己卯重宴鹿鳴遍徵題詠閭里榮之
閒居小草燕山訥音代默齊氏著黃藕村得自都門書
肆攜以示余詩境閒淡五言如一琴作韻友千卷助清
貧霜遲紅葉淡風緊綠荷稀七言如一院蕉聲寒雨碎
四圍松影暮煙涼雪消西嶺峯頭出雲過前溪雨腳伸
俱好土城水莊云土城南畔路一徑到芳園紅雨溪頭
艇青帘樹裏村花畦人語寂草閣雨聲喧綠砌苔衣長